



## Kuba i Meksiko

3. februar 2020. - 16. februar 2020.

14 dana - 11 noći

“ Vodimo Vas u magične karipske zemlje, na putovanje iz snova - na Kubu i Meksiko. Krećemo iz hedonsitičkoig raja - Kube, stopama Hemingwaya i Che Guevarae, zatim idemo južnije u Playu del Carmen, odakle ćemo posjetiti čuvenu Chichen Itzu , kupati se u prirodnim jezerima u pećinama – cenotama, obići ćemo Valladolid, i posjetiti i Tulum i Cobu.

Putovanje na Kubu – vrijeme kao da se vratilo nekoliko desetina godina unazad dok se upoznajemo sa Havanom, vožnja oldtajmerima, uživanje na šetalištu Malecon dok se talasi obijaju o zidine... Stara Havana (Habana Vieja), Gradski muzej (Museo de la Ciudad), Trg Revolucije (Plaza de la Revolucion) sa Che Guevarinom slikom, Palata guvernera (Palacio de los Capitanes Generales)... Upoznajemo divne ljude koji uživaju u plesu, muzici i životu neopterećeni materijalnim stvarima... Nakon nekoliko dana noge nam same reaguju na zvuke salse i regetona dok ispijamo hladni mojito...

Playa del Carmen, prelijepo mjesto na obali Karipskog mora u državi Quintana Roo. Beskrajna pješčana plaža, tirkizno plavo more kakvo niste imali prilike da vidite, lijepo sređene ulice, suvenirnice, meksičke kantine i restorani, marijači, barovi... Iz Playe del Carmen imat ćemo priliku da obiđemo čuvenu Chichen Itzu, grad Maja koji je proglašen za novo svjetsko čudo. Usput se kupamo u cenotama – prirodnim jezerima u pećinama, a obilazimo i tradicionalni grad Valladolid.

Tulum važi za jednu od najljepših lokacija na Jucatanu, kako zbog nestvarne plaže, tako i zbog majanske tvrđave na samoj obali. Uz kupanje, imat ćemo priliku da posjetimo i arheološki lokalitet – Cobu i da sa vrha piramide posmatramo nepreglednu džunglu oko nas.

”



**Jungle Travel d.o.o.**  
Branilaca Sarajeva 20/I,  
71000 Sarajevo

PIB: 4202134850007  
MB:  
Broj licence:  
Tekući račun:

Telefon: 033 552-552  
E-mail: kontakt@jungletribe.ba  
Sajt: www.jungletribe.ba

## Plan i program

### Dan 1: Okupljanje grupe i polazak

Okupljanje na aerodromu "Nikola Tesla" dva sata prije leta. Let do Havane sa presjedanjem.

#### Prevoz

Avio karta na relaciji Beograd - Havana sa svim taksama, u ekonomskoj klasi

#### Mesto

Beograd, Istanbul

### Dan 2: Dolazak u Havanu

Dolazak u Havanu. Transfer sa aerodroma do smještaja. Prvi dan na Kubi odmaramo i upoznajemo se sa magijom Kariba.

#### Prevoz

Transfer od aerodroma do smještaja

#### Smeštaj

Casas particulares (1 noć)

#### Mesto

Havana

### Dan 3: Upoznavanje centralne Havane

Krećemo na fakultativni izlet obilaska Havane. Prvo obilazimo dijelove *Centralne Havane*, upoznajemo se sa načinom života Kubanaca. Pijaca, igranje domina na ulici, djeca koja žele da se slikaju, a čiji osmijeh ne možemo da odbijemo... Odlazimo u *Callejon de Hammel* da gledamo (i plešemo) rumbu sa Afrokubancima. Nakon toga obilazimo *Vedado*-novi dio Havane, Univerziteta a nakon toga, pijemo kafu u poznatom hotelu "Nacional".

#### Smeštaj

Casas particulares (1 noć)

#### Mesto

Havana

### Dan 4: Fakultativni izlet - obilazak Stare Havane i vožnja kabrioleta

Danas kroz fakultativni izlet obilazimo Staru Havanu, *Kapitolio*, pet glavnih trgova u Staroj Havani, ulicu *Obispo*- glavnu šetališnu zonu, *Central Park* gdje se skupljaju lokalci da pričaju o bejzbolu, šetalište *Prado* glavno mjesto okupljanja lokalnih umjetnika... Fakultativni izlet po gradu šarenim kabrioletima- obilazak Trga Revolucije gdje se kroz priču vraćamo u dane Kubanske revolucije! Uveče se šetamo po *Malekonu*, šetalištu uz more, družimo se sa Kubancima a možda ponekad i zaplešemo!

#### Smeštaj

Casas particulares (1 noć)

#### Mesto

Havana

#### Fakultativni izleti

Obilazak stare Havane i vožnja kabrioletima

### Dan 5: Fakultativni izlet - Hemingvejeva kuća i Playas del Este (Santa Maria)

Fakultativni izlet - obilazak kuće u kojoj je živio *Ernest Hemingvej* i odlazak na *plažu Santa Maria*. Na ovom izletu dobit ćete potpunu sliku o cjelokupnom životu čuvenog pisca, saznat ćete zašto je on odlučio da provede veliki dio svog života u okolini Havane, vidjet ćete njegove lične predmete i čuti o njegovoj tragičnoj smrti. Nakon ovog obilaska idemo na *plažu Santa Maria*, jednu od plaža koje se nalaze na 15km od Havane. Uživamo u tirkiznom moru, ležimo ispod palmi na bijelom pijesku i slušamo muziku lokalnih muzičara. Povratak u Havanu.

#### Smeštaj

Casas particulares (1 noć)

#### Mesto

Havana

#### Fakultativni izleti

Hemingwayeva kuća i Playas del Este (Santa Maria)



**Jungle Travel d.o.o.**  
Branilaca Sarajeva 20/I,  
71000 Sarajevo

PIB: 4202134850007  
MB:  
Broj licence:  
Tekući račun:

Telefon: 033 552-552  
E-mail: kontakt@jungletribe.ba  
Sajt: www.jungletribe.ba

#### Dan 6: Fakultativni izlet - Vinales

Fakultativni izlet - *Vinales*, ruralni predjeli Kube. Obilazimo plantaže duhana i šećerne trske, sušare duhana, zatim odlazimo u kuću jedne porodice koja živi u ovom selu, gdje nam naš domaćin pokazuje na koji način se prave kubanske cigare, a domaćica sprema kafu od upravo ubranih zrna u okolini. Nakon ručka u lokalnom seoskom restoranu idemo u obilazak Indijanske pećine u oblasti koja je pod zaštitom UNESCO-a zato što ovakve stijene postoje samo ovdje i na još par mjesta u svijetu. Kroz pećinu prvo malo pješačimo, a zatim se ukravamo u čamac koji nas vozi po rijeci unutar pećine i nakon vožnje izvozi iz nje. Večernji povratak u Havanu.

#### Smeštaj

Casas particulares (1 noć)

#### Mesto

Havana

#### Fakultativni izleti

Vinales

#### Dan 7: Fakultativni izlet - Varadero

Fakultativni izlet - *Varadero*. Prije nego što posjetimo jedno od najljepših plaža na Karibima, obići ćemo pećinu Saturno u kojoj ćete imati priliku i da se kupate. Nakon toga nastavljamo ka plaži Varadero gdje ćemo uživati u bijelom pijesku i kristalnom moru. Povratak u Havanu.

#### Smeštaj

Casas particulares (1 noć)

#### Mesto

Havana

#### Fakultativni izleti

Varadero

#### Dan 8: Playa del Carmen

Odjavljivanje iz smještaja, transfer do aerodroma i let za Meksiko. Dolazak u Cancun. ¡Hola Mexico! Transfer do Playa del Carmen, prelijepo mjesto na obali Karipskog mora u državi Quintana Ro. Beskrajna pješčana plaža, tirkizno plavo more kakvo niste imali prilike da vidite, lijepo sredene ulice, suvenirnice, meksičke kantine i restorani, mariači, barovi... Smještaj u hotel. Uveče, po želji, idemo na tradicionalnu meksičku večeru, pa potom u bar na nekoliko pića (tekila, pivo, kokteli, odlučite sami).

#### Prevoz

Transfer od smještaja do aerodroma

Avio karta sa svim taksama na relaciji Havana - Cancun, u ekonomskoj klasi

Transfer od aerodroma do smještaja

#### Smeštaj

Hotel u Playa del Carmen (1 noć)

#### Mesto

Havana, Cancun, Playa del Carmen

#### Dan 9: Fakultativni izlet - Chichen Itza

Fakultativni izlet u *Chichen Itza*, grad Maja i jedno od novih svjetskih čuda. Ovo će sigurno biti jedno od najimpresivnijih mjesta koje ćete vidjeti u životu, a priča o Majama, njihova kultura i način života će vas bar malo trgnuti i natjerati vas da odete duboko u razmišljanje. Usput ćete imati priliku da se kupate u *cenotama* - prirodnom jezeru koje se nalazi u pećini. Po povratku sa izleta, pravimo kratku pauzu da bi videli grad *Valadolid*. Povratak u Playu del Carmen. Slobodno vrijeme.

#### Smeštaj

Hotel u Playa del Carmen (1 noć)

#### Mesto

Playa del Carmen

#### Fakultativni izleti

Chichen Itza

#### Dan 10: Fakultativni izlet - Tulum i Coba

Fakultativni izlet i odlazak u *Tulum*, grad Maja na obalama Kariba. Iguane raznih boja i veličina će slobodno šetati pored vas, a poslije obilaska arheološkog lokaliteta *Coba*, idemo na jednu od najljepših plaža na Karipskom moru i sigurno jednu od najljepših plaža na svijetu. Imamo cijelo popodne za uživanje u ovom raj. Uveče se vraćamo u Playu del Carmen.

#### Smeštaj

Hotel u Playa del Carmen (1 noć)

#### Mesto

Playa del Carmen

#### Fakultativni izleti

Tulum i Coba



**Jungle Travel d.o.o.**  
Branilaca Sarajeva 20/I,  
71000 Sarajevo

PIB: 4202134850007  
MB:  
Broj licence:  
Tekući račun:

Telefon: 033 552-552  
E-mail: kontakt@jungletribe.ba  
Sajt: www.jungletribe.ba

#### **Dan 11: Fakultativni izlet - Tri cenote**

Slobodan dan u Playi del Carmen. Po želji, možemo vam organizovati fakultativni izlet i kupanje u tri najpozantijecenote *Jukatana*. Nekada su u ovim cenotama Maje prinosile darove svojim bogovima a sada cenote važe za prekrasne, prirodom izvajane, atrakcije. Ove prirodne jame nastale propdanjem krečnjaka su najpopularniji prirodni bazeni na svijetu. Povratak u Playu del Carmen.

#### **Smeštaj**

Hotel u Playa del Carmen (1 noć)

#### **Mesto**

Playa del Carmen

#### **Fakultativni izleti**

Četiri cenote

#### **Dan 12: Fakultativni izlet - Isla Mujeres**

Prilika da posjetimo kroz fakultativni izlet čuveno ostrvo žena odnosno *Isla Mujeres*. Uživanje i najljepše kupanje na ostrvu koje je posvećeno majanskoj boginji rađanja Išel. Ovo ostrvo je udaljeno od jukatanskog poluostrva samo trinaest kilometara te je vrlo pristupačno za ljubitelje odličnog kupanja u vodama tirkiznih Kariba. Čitavo ostrvo možemo obići u golf autima s obzirom da je to jedino prevozno sredstvo na ovom mirnom ostrvu. Za ljubitelje adrenalinskih iskustava postoji opcija ronjenja sa ajkulama! Povratak u Playu del Carmen.

#### **Smeštaj**

Hotel u Playa del Carmen (1 noć)

#### **Mesto**

Playa del Carmen

#### **Fakultativni izleti**

Isla Mujeres

#### **Dan 13: Slobodan dan**

Slobodno vreme u Playa del Carmenu i uživanje na karipskim plažama i moru. Noćenje.

#### **Smeštaj**

Hotel u Playa del Carmen (1 noć)

#### **Mesto**

Playa del Carmen

#### **Dan 14: Napuštanje smeštaja i slobodno vrijeme do polaska**

Još malo slobodnog vremena prije transfera do aerodroma u Cancunu. Let do Beograda sa presjedanjem.

#### **Prevoz**

Transfer od smještaja do aerodroma

Avio karta sa svim taksama na relaciji Cancun - Beograd, u ekonomskoj klasi

#### **Mesto**

Playa del Carmen, Cancun

#### **Dan 15: Povratak i kraj putovanja**

Dolazak u Beograd. Vraćamo se sa ovog nevjerovatnog puta, dok u glavi i dalje čujemo zvuke regetona, a noge nam same zaigraju na ritam salse.

#### **Mesto**

Istanbul, Beograd

#### **Cene i uslovi**

Smještaj

### Smještaj u casa particulares i hotelima \*\*\*

#### Šta je uključeno

- Kompletna organizacija i usluge predstavnika agencije na destinaciji
- Smještaj u dvokrevetnim sobama u casa particulares (privatne sobe) na bazi noćenja na Kubi (6 noćenja u Havani)
- Smještaj u dvokrevetnim sobama u hotelu \*\*\* (prema lokalnoj kategorizaciji) na bazi 5 noćenja u Playi del Carmen
- Avio karta sa svim taksama na relaciji Beograd - Havana, u ekonomskoj klasi
- Avio karta sa svim taksama na relaciji Cancun - Beograd, u ekonomskoj klasi
- Avio karta sa svim taksama na relaciji Havana – Cancun, u ekonomskoj klasi
- Svi transferi od aerodroma do smještaja, od smještaja do aerodroma i između gradova prema planu i programu puta
- Avio kartu sa svim taksama na relaciji Beograd – Havana, u ekonomskoj klasi

Regularna cena

**3.380,00** BAM

Promo cijena

Važi za prvih 5 prijavljenih putnika.

**2.980,00** BAM

First minute

Važi za prijave do 13.11.2019. godine

**3.180,00** BAM

#### Nije uključeno

- Fakultativne izlete i ulaznice za kulturno historijske spomenike

**Uslovi plaćanja:** Prilikom prijavljivanja plaća se 400 KM. Ostatak iznosa se plaća u konvertibilnim markama najkasnije do 6 sedmica pred putovanje.

**Prijavlivanje:** Preporučujemo ranije prijave jer je broj mjesta ograničen. Prilikom prijave potrebno je dostaviti skeniranu prvu stranu pasoša, u suprotnom agencija ne snosi odgovornost od štampanja avio karata sa pogrešnim imenom. Prijava je validna jedino uz uplatu avansa. Dokumenta za vize potrebno je dostaviti najkasnije mjesec dana pred put. Ukoliko putnici ne dostave dokumenta za vize u navedenom roku, dužni su da sami obezbijede vize za putovanje. Ukoliko putnici sami pribavljaju vize, dužni su da kopiju vize dostave do 15 dana pred put.

#### Fakultativni izleti

##### Obilazak stare Havane i vožnja kabrioletima

Cijena: 35,00 EUR

Obilazak ćemo započeti od Stare Havane. Krećemo od parka Central, park poznat po statui kubanskog nacionalnog heroja Hose Martija i kao mjesto okupljanja lokalaca. Pješke ćemo obići čitavu Staru Havanu, uključujući i 5 trgova koji su pod zaštitom UNESCO-a zajedno sa četiri tvrđave. U šetnji kroz Havanu upoznajemo se sa arhitekturom, lokalnim načinom života Kubanca i ulicama Havane. Nastavljamo ulicom Obispo, najpoznatijom ulicom u Havani, gdje ćemo imati priliku da napravimo predah uz pravi kubanski sladoled u kokosu. Slikamo se sa kubancima i tomposima. Vrijeme je da se upoznamo i sa revolucijom, pa našu šetnju nastavljamo ka poznatom muzeju. Ispred muzeja imat ćemo priliku da vidimo brod Granma, gdje započinjemo priču o poznatim ličnostima Kube.

Priču o revoluciji nastavljamo na jednom od najvećih trgova na svijetu Trgu Revolucije do kog stižemo, kako drugačije nego, kabrioletima. Trg Revolucije krase najpoznatiji mural Che Gevare, gdje naravno pravimo pauzu za najljepše fotografije. Vožnja kabrioletima upotpunit će nam sliku Havane, jer nastavljamo dalje ka parku Almedares, poznatiji među kubancima kao šuma Havane, obilazimo ostale dijelove grada Vedado i Miramar. Obilazak ne bi bio potpun ukoliko ne bismo prošli kroz najljepšu, a ujedno i najbogatiju 5-tu aveniju. Malekonom, šetalištem uz more vraćamo se nazad, dok nam so, sunce i vjetar uljepšavaju sam doživljaj. Cijena uključuje: obilazak stare Havane, vodiča i vožnju kabrioletima

##### Hemingwayeva kuća i Playas del Este (Santa Maria)

Cijena: 35,00 EUR

Ernest Hemingway, slavni pisac XX vijeka, proveo je jedan dio svog života uživajući u svojoj kući nedaleko od Havane. Posjećujemo kuću gdje se upoznajemo sa njegovim zanimljivim životom. Da li ste znali da je imao preko 40 mačaka? Da je učestvovao u 4 rata? Da se groblje njegovih pasa nalazi baš na tom imanju? Nećemo Vam sve otkriti ali tačno je da je Hemingvej bio interesna ličnost i da je za sobom ostavio mnoga velika djela. U kući se nalazi i kolekcija njegovih knjiga, iz tog razloga u kuću ne može da se uđe, već su čitave prostorije vidljive sa vrata i prozora. Nakon toga odlazimo čuvenim kubanskim automobilima na kupanje u predivnim karipskim vodama. Plaže koje se prostiru na gotovo šest kilometara su popularne kako među turistima tako i među lokalcima. Idealno mjesto za odmor i uživanje na samo pola sata vožnje od Havane.

Cijena izleta uključuje: ulaznicu u muzej i transfere.

#### Vinales

Cijena: 80,00 EUR

Dolina Vinales poznata je po svom izvrednom kraškom pejzažu u kojem tradicionalne metode poljoprivrede, posebno duhana, ostaju nepromuhenjene i kao takva nalazi se pod zaštitom UNESCO-a. Čitava regija čuva svoju bogatu tradiciju u arhitekturi, u svojim zanatima i načinu života. Posjeta Vinalesu pomoći će nam da se bliže upoznamo sa ruralnom okolinom i predivom prirodom. Vinjales je ukrašen šarenolikim kućama, kao i *Mogota* planinama. Udaljen je od Havane 184 km te mi sam put upotpunjujemo na stajalištuLas

*Barrigonas*, poznato po čuvenim *Trudnim palmama*. Posebna vrsta palme karakteristična samo za Kubu. Prva stanica u Vinalesu je svakako *Indijanska pećina*, koju obilazimo uz pomoć lokalnog vodiča. Na motornim čamcima razgledamo unutrašnjost pećine i fotografišemo predivni izlazak iz pećine i prirodu. Zajedno nastavljamo put ka poznatoj dolini duhana, gdje učimo kako se taj duhan obrađuje i sprema za pravljenje cigara. Posjećujemo lokalnu kuću, u kojoj nam domaćin pokazuje kako se motaju cigare, a mi sami imamo priliku da ih probamo. Ukoliko budemo željeli zajedno možemo da odemo u jedan od predivnih *paladara* i da probamo pravu seosku hranu. Na putu nazad do Havane, stajemo na vidikovcu odakle se najbolje vidi dolina Vinales i Mogota planine idealno mjesto za fotografije.

Cijena izleta uključuje prevoz, ulaznicu u pećinu, lokalnog vodiča i posjetu lokalnoj kući.

#### Varadero

Cijena: 75,00 EUR

Dvadeset kilometara puderastog bijelog pijeska i tirkizna plava boja mora učinile su da Varadero postane jedna od najpoznatijih plaža na Karibima. Upravo iz tog razloga se iz Havane upućujemo na jednodnevnu ekskurziju i odmor. Put do Varadera ćemo upotpuniti snorkelingom koji će nam omogućiti da se upoznamo sa morskim biodiverzitetom koji se nalazi na sjeveru Kube i da hranimo preko stotinu vrsta raznobojnih riba. Predivno tirkizno more na površini još je ljepše u dubini. Nakon završenog ronjenja idemo do pećine Saturno, pećina sa slatkom čistom vodom dubine i do 20 metara vrijedna je posjete na samom putu. Imat ćemo slobodnih sat vremena za kupanje, istraživanje i skakanje sa stijene u ovoj neobičnoj pećini. Odlazimo na plažu u Varaderu gdje jedino što nam preostaje je potpuni užitek. Cijela ekskurzija ne bi bila potpuna bez zalaska sunca i koktela koje možemo da uživamo na vidikovcu Bacunayagua gdje nam pogled krasi zelene Kraljevske palme i najviši most na Kubi.

Cijena izleta uključuje prevoz, snorkeling, ulaz u pećinu.

#### Chichen Itza

Cijena: 85,00 EUR

Posjetit ćemo jednu od najčuvenijih Majanskih piramida, koja je proglašena za jedno od Sedam Svjetskih Čuda! Na ovom izletu saznat ćemo nešto o kulturi Maja, običi cijeli kompleks koji pored piramide obuhvata i teren za "majanski fudbal", observatoriju i druge hramove. Takođe, imat ćete priliku da se kupate u i jednoj od najljepših cenota na poluostrvu Yucatan, cenotu Ik Kil.

Cijena izleta obuhvata prevoz, ulaznice za arheološki kompleks i cenote, lokalnog vodiča i ručak.

#### Tulum i Coba

Cijena: 65,00 EUR

Tulum je jedan od poslednjih izgrađenih majanskih gradova prije dolaska Španaca. Takođe ovo je najpoznatiji grad koji se nalazio na samoj obali. Grad je ostao očuvan i stoga ovdje možete vidjeti kule osmatračnice, hramove posvećene bogu Čaku, rezervoare sa vodom koji su koristili Majanci. Coba je manje poznato turističko odredište ali izuzetno interesantno i predstavlja skriveni biser Yucatana. Od čitavog nekadašnjeg grada koji je po nekim proračunima na vrhuncu moći imao između 50 i 100 hiljada stanovnika danas je otkriveno svega 5%. U ovom gradu imat ćete priliku da se popnete na 42m visoku piramidu (u ostalim arheološkim nalazištima je zabranjeno penjanje na piramide) i da uživete u pogledu na nepreglednu džunglu. Takođe, na ovom izletu imat ćete priliku i da se okupate na jednoj od najljepših plaza na Karibima - plaži Tulum!

Cijena izleta obuhvata prevoz, ulaznice za arheološka nalazišta, lokalnog vodiča i ručak.

#### Četiri cenote

Cijena: 55,00 EUR

U ovoj avanturi posjetit ćete četiri magične cenote. U njima ćete uživati u dubokom plavetnilu i osvežavajućoj vodi. Nakon toga odlazimo i do jedne od najljepših plaža Kariba. Nekada su u ovim cenotama Maje

prinosile darove svojim bogovima, a sada cenote važe za prekrasne, prirodom izvajane, atrakcije. Ove prirodne jame nastale propadanjem krečnjaka su najpopularniji prirodni bazeni na svijetu.

Cijena izleta obuhvata prevoz, pristup za cenote, lokalnog vodiča i ručak.

#### Isla Mujeres

Cijena: 95,00 EUR

Plovimo katamaranom po Karibima i uživamo u suncu, snorkelingu i otvorenom baru našeg broda. Iskravamo se pravo na buffet ručak na samom ostrvu. Možemo posjetiti i Playa Norte koja je najčuvenije mjesto ostrva. Usput ćemo imati vremena da biramo suvenire u lokalnoj luci i posjetimo jedinstveno naselje na samom ostrvu. Uživanje i najljepše kupanje na ostrvu koje je posvećeno majanskoj boginji rađanja Išel. Ovo ostrvo je udaljeno od jukatanskog poluostrva samo trinaest kilometara te je vrlo pristupačno za ljubitelje odličnog kupanja u vodama tirkiznih Kariba.

#### Smeštaj

##### Casas particulares

**Ovo je primer smeštaja koji možete da očekujete. Stvaran smeštaj može biti drugačiji, ali sličan u onome šta pruža.**

**Guesthouse ili Casa particulares** na Kubi je smeštajni objekat koji se nalazi u posjedu kubanskih porodica. Namijenjen je turistima kojima komfor nije u prvom planu i koji bi željeli da dožive Kubu na autentičan način. Sobe su dvokrevetne. Najčešće, dvije dvokrevetne sobe dijele jedno kupatilo, ali postoji mogućnost da soba ima sopstveni T/WC. Smeštaj se nalazi su centru gradova koji se obilaze. Usluga je na bazi noćenja.



**Jungle Travel d.o.o.**  
Branilaca Sarajeva 20/I,  
71000 Sarajevo

PIB: 4202134850007  
MB:  
Broj licence:  
Tekući račun:

Telefon: 033 552-552  
E-mail: kontakt@jungletribe.ba  
Sajt: www.jungletribe.ba

## Hotel u Playa del Carmen \*\*\*

**Ovo je primer smeštaja koji možete da očekujete. Stvaran smeštaj može biti drugačiji, ali sličan u onome šta pruža.**

Hotel \*\*\*(prema lokalnoj kategorizaciji) u Playa del Carmen je smeštajni objekat koji raspolaže dvokrevetnim sobama. Usluga je na bazi noćenja sa kontinentalnim doručkom. Imena hotela biće potvrđeni po formiranju grupe, a najkasnije 2 sedmice pred put.

### Sajt

<https://www.hotel52playa.com/>

### Adresa

Calle 52 Nte S/N Playa del Carmen -77728

### Prevoz

#### Avion

*Putnički avion* (linijski *putnički avion* ili komercijalni transportni avion) veliki je avion prvenstveno namijenjen komercijalnom prevozu putnika i tereta.

#### Lokalni transfer

Kombi prevoz je prevozno sredstvo za manje grupe putnika, najčešće do 15 ljudi.

### Mesta

#### Beograd

**Beograd** je glavni grad Republike Srbije. U urbanom dijelu grada živi 1,23 miliona, a unutar administrativne teritorije grada gotovo 1,7 miliona stanovnika. Beograd je grad veoma burne historije i jedan od najstarijih urbanih cjelina u Europi. Njegova historija traje punih 7000 godina.

#### Istanbul

**Istanbul** kroz historiju također poznat i kao Carigrad, Konstantinopolj ili Bizantium, najveći je grad u Turskoj, privredni, kulturni i historijski centar i jedan od najvažnijih gradova ove transkontinentalne države. Sa otprilike 12,56 miliona inostranih turista u 2015. godini, pet godina nakon što je proglašen za Evropsku prestonicu kulture, Istanbul predstavlja peti najposjećeniji grad na svijetu. Najveće turističke atrakcija grada su historijski centar, djelimično uvršten na UNESCOov spisak svjetske baštine, kulturni i zabavni centar koji se proteže uz gradsku prirodnu luku, Zlatni rog, u oblasti Beyoğlu i dr. Istanbul se smatra globalnim gradom kao i jedna od najbrže rastućih ekonomskih metropola na svijetu. Smješten na strateški važnom mjestu, nekadašnjem Putu svile.

#### Havana

**Havana** je glavni grad, najveća luka i vodeći trgovački centar Kube. Grad, jednu od 14 kubanskih provincija, nastanjuje 2,2 miliona stanovnika. Havana je tradicionalno bila poznata kao turistički centar svjetskog glasa, mjesto bogatog kulturno-historijskog-arhitektonskog nasljeđa i po tradicionalnoj proizvodnji duhanskih proizvoda i alkoholnih pića. Savremena Havana sjedište je kubanske vlade, više ministarstava, te poslovno središte.

#### Cancun

Cancun je grad u Meksiku u saveznoj državi Kintana Ro. Nalazi se na poluostrvu Yucatan, na obali Karipskog mora i predstavlja najpoznatije ljetovalište ove države.

#### Playa del Carmen

**Playa del Carmen** je jedno od najpoznatijih i najljepših ljetovališta u Meksiku. Nalazi se na čuvenoj Rivijeri Maja, a od aerodroma u Cancunu je udaljena svega 45 minuta vožnje. Prelepe plaže, savršeno toplo more, bogata ponuda hotela i restorana, a zanimljivi izleti u okolini su glavni razlog zašto je Playa del Carmen glavna baza mnogih putnika.

### Korisne informacije

#### Kuba

##### 1. OPŠTI PODACI

Kuba je ostrvska država u Centralnoj Americi. Glavni i najveći grad je Havana sa oko 2 miliona stanovnika dok čitava država ima 11 miliona stanovnika. Sa južne strane izlazi na Karipsko more dok na sjeveru izlazi na Meksički zaliv i Atlanski ocean. Po državnom uređenju Kuba je republika.

**Površina zemlje:** 109,884 km<sup>2</sup>

**Broj stanovnika:** 11 miliona

**Glavni grad:** Havana

**Nacionalnost:** Kubanci

**Zvanični jezik:** španski

**Vjeroispovijest:** zvanično ateistička država, ali oko 60% katolici, oko 20% tradicionalne religije

**Nezavisnost:** 20.05.1902.

##### 2. VIZA

Za državljanje BiH je potrebna viza/turistička kartica. Agencija posreduje u izdavanju turističke kartice.



**Jungle Travel d.o.o.**  
Branilaca Sarajeva 20/I,  
71000 Sarajevo

PIB: 4202134850007

MB:  
Broj licence:  
Tekući račun:

Telefon: 033 552-552

E-mail: kontakt@jungletribe.ba  
Sajt: www.jungletribe.ba

### 3. VREMENSKA ZONA

Vremenska zona je **UTC -5**.

### 4. KLIMA

Na Kubi vlada tropska klima. Prosječna godišnja temperatura je 25°C, u januaru prosječna temperatura je 21°C dok je u julu prosječna temperatura 27°C. Period od novembra do aprila je sušni period godine, dok je period od maja do oktobra kišni. U septembru i oktobru povremeno se javljaju uragani. Takođe Kubu odlikuje visoka vlažnost vazduha.

### 5. HRANA

Kuhinja na Kubi se bazira prije svega na ribljim specijalitetima i morski plodovima, ali su isto tako zastupljene i sve vrste mesa. Prilog koji ide uz gotovo svako jelo jeste riža, Moros y Cristianos tj. riža i crni grah. Nacionalno jelo je Ropa Vieja - govedina sa povrćem. Na Kubi postoji puno vrsta voća i povrća koje ne rastu u Evropi (gvajaba, ananas, malanga, juka...). Preporučuje se konzumiranje hrane isključivo iz restorana osim voća i povrća kojeg ima na pijacama. Cijene su kao i u Evropi (okvirno obrok između 10-15 eura). Bitno je napomenuti da se obavezno mora konzumirati flaširana voda!

### 6. VAKCINE I ZDRAVSTVENA SITUACIJA

Vakcinacija nije neophodna za putnike koji putuju na Kubu, ali se savjetuje da se putnici individualno informišu sa svojim ljekarom. Poželjno je ponijeti lijekove za stomak (probiotike), ferveks ili neke lijekove za bolove i temperaturu, za svaki slučaj. Takođe, tamo ima komaraca, pa bi bilo dobro da ponesete i Autan kao i kreme za sunčanje. Sve ove preparata potrebno je ponijeti na Kubu jer tamo ne postoje veliki supermarketi i gotovo ih je nemoguće pronaći na samoj destinaciji.

### 7. OSIGURANJE

Za ulazak na Kubu neophodno je da kod sebe imate međunarodno zdravstveno osiguranje. Možete ga uzeti u bilo kojoj osiguravajućoj kući ili kod nas u agenciji do 5 dana pred put - Sarajevo osiguranje, do 30 000 eura ste osigurani.

### 8. BEZBJEDNOST

Situacija na Kubi je bezbjedna i stopa kriminala je jako niska. U svakom slučaju savjetuje se oprez od sitnih krađa i džeparenja u velikim gradovima i turističkim mjestima. Šetanje ulicom je slobodno i bez problema čak i u večernjim satima. Droga je ilegalna pojava i kao takva kažnjiva zakonom.

### 9. ODJEĆA

S obzirom na visoke temperature tokom cijele godine na put je potrebno ponijeti ljetnu odjeću. U zimskim mjesecima se preporučuje nošenje i nešto dugih rukava i nogavica za uveče. Preporučuje se da ponesete i neku stariju odjeću koju možete pokloniti vašim domaćinima na kraju putovanja. Ukoliko se odlučite i za izlet tracking do vodopada neophodno je ponijeti i udobne patike. Ponesite i šešire ili kačkete kao zaštitu od sunca.

### 10. NOVAC

Kuba je zemlja koja ima 2 valute - CUC tj. konvertibilni pezosi i CUP tj. pezosi ili moneta nacionalna. Vama će na putu trebati samo CUC i to je valuta koju dobijate kada u mjenjačnici mijenjate novac. Kurs iznosi 1 eur = 1,1 CUC. Novac možete mijenjati i u CUP ali tu valutu možete koristiti samo na pijaci u nekim manjim lokalnim radnjama, a odnos je 1 CUC = 23 CUP. Novac se mijenja u mjenjačnicama koje su državne tako da je kurs svuda identičan. Na put nosite eure s obzirom da su na dolare visoke provizije. Savjetuje se nošenje gotovine jer plaćanje karticama nije zastupljeno, a bankomati nisu uvijek u funkciji i nema ih na puno mjesta.

### 11. KOMUNIKACIJA

Naše mobilne mreže funkcionišu na Kubi. Što se tiče interneta on na određenim mestima (wi-fi parkovi, lobiji velikih hotela) ali se kartice za internet kupuju i okvirno koštaju 1h = 2 eura. Iz tog razloga ne preporučuje se nošenje laptopa s obzirom da konekcije nisu uvijek dobre. Takođe nije moguće kupiti kubansku karticu za mobilni telefon.

### 12. STRUJA

Potrebno je ponijeti adapter sa dva tanka ulaza.

### 12. TOPLA PREPORUKA

Kuba je jedna interesantna i vesela zemlja! Nigdje nećete vidjeti toliko nasmijanih ljudi spremnih da zablešu svakog trenutka. Na Kubi ćete uživati u muzici, koktelima i plažama sa bijelim pijeskom. Ali pored toga imat ćete priliku da obiđete i ruralne dijelove Kube i da se upoznate sa načinima pravljenja čuvenih kubanskih cigara. Za one koji vole i malo aktivni odmor imat ćete priliku i da pješačite kroz prašume i da se kupate ispod samog vodopada. Kuba ima dosta toga da ponudi tako da ćete imati priliku i da odmorite i da istražujete!

### Meksiko

#### 1. OPŠTI PODACI

Meksiko ili, službeno, Sjedinjene Meksičke Države nalazi se u Sjevernoj Americi, zauzima površinu od blizu 2 miliona km<sup>2</sup> i graniči se na sjeveru sa Sjedinjenim Američkim Državama, a na jugoistoku sa Gvatemalom i Belizeom. Meksiko takođe izlazi svojim obalama na Tihim oceanom na zapadu i Meksički zaliv i Karipsko more na istoku. Ukupan broj stanovnika je blizu 130 miliona dok u Meksiko Sitiju, glavnom i najvećem gradu, živi oko 22 miliona stanovnika. U pretkolumbovskom Meksiku postojale su mnoge indijanske kulture koje su stvorile napredne civilizacije kao što su Olmeci, Tolteci, Zapoteci, Maje i Asteci. Španija je 1521. godine pokorila ovu teritoriju i organizovala je u Novu Španiju. Meksiko je stekao nezavisnost od Španije 1821. godine. Period poslije sticanja nezavisnosti obelježile su privredne nestabilnosti, Američko-meksički rat i teritorijalni ustupci SAD, građanski rat, dva carstva i diktatura. Diktatura je 1910. godine dovela do Meksičke revolucije, što je dovelo do donošenja Ustava iz 1917. i uspostavljanja današnjeg političkog sistema. Danas je Meksiko demokratska, federalna republika koja se sastoji od 32 države, tačnije od 31 države i jednog federalnog okruga. Službeni jezik u Meksiku je španski ali je u upotrebi još 62 indijanska jezika, dok je katoličanstvo zvanična religija.

#### 2. VIZE





**Jungle Travel d.o.o.**  
Branilaca Sarajeva 20/I,  
71000 Sarajevo

PIB: 4202134850007  
MB:  
Broj licence:  
Tekući račun:

Telefon: 033 552-552  
E-mail: kontakt@jungletribe.ba  
Sajt: www.jungletribe.ba

Za državljane Srbije, Bosne i Hercegovine, Makedonije i Crne Gore je potrebna viza za ulazak u zemlju. Državljanima Hrvatske viza nije potrebna.

Državljanima Bosne i Hercegovine **lično** apliciraju za izdavanje vize u ambasadi Meksika u Beogradu!

\* Putnicima koji posjeduju važeću vizu SAD, nije potrebna viza za Meksiko.

\* Prilikom slijetanja u Meksiko, na aerodromu dobijate formulare koje je potrebno popuniti prije imigracione kontrole. Dio formulara zadržavate i čuvate sve do izlaska iz zemlje.

### 3. ZDRAVSTVENA SITUACIJA

Nije potrebna vakcina za ulazak u zemlju. Preporučuje se konzumiranje flaširane vode. Poželjno je ponijeti lijekove za stomak (probiotike) i ferveks ili neke lijekove za bolove i temperaturu, za svaki slučaj.

### 4. VREMENSKA ZONA

Meksiko se nalazi u UTC - 6 vremenskoj zoni, -7h u odnosu na Srbiju, BiH, Hrvatsku...

### 5. KLIMA

Meksiko je klimatski raznolika zemlja. Klimatski se dijeli na tri visinska pojasa. Najniži tierra caliente (vruća zemlja) obuhvata tropske ravnice u istočnom primorju sa visokom temperaturom i velikom količinom padavina. Iznad tog vrućeg pojasa nalazi se tierra templada (umjerena zemlja) sa umjerenom klimom koja je povoljna za život i rad čoveka. Iznad 2.000 m je tierra fría (hladna zemlja) gdje su godišnja doba, a naročito ljeto i zima, izrazita. Unutrašnje zavale i ravnice imaju karakterističnu kontinentalnu klimu sa toplim ljetima i hladnim zimama. Na jugoistoku zemlje su tropske oblasti sa 8–10 vlažnih mjeseci godišnje. Glavni grad, Ciudad de Mexico, se nalazi na nadmorskoj visini od blizu 2300 m sa prosječnom temperaturom od 15 stepeni.

### 6. HRANA

Hrana u Meksiku je veoma ukusna ali i egzotična i u potpunosti se razlikuje od meksičke kuhinje na koju smo navikli u našim restoranima. Meksičku hranu bije glas da je izuzetno pikantna. Istina, ali napominjemo da hrana u originalu nije začinjena i ljuta, već joj pikantnost daju različiti sosevi koji se naknadno dodaju. Mi vam svakako savjetujemo da probate meksičke specijalitete kao što su takosi, buritosi, gorditas, kesadilje sa različitim nadjevima i vrstama mesa. U Meksiku takođe postoje i internacionalni restorani, za sve one koji nisu ljubitelji meksičke kuhinje. Najpopularnija pića su svježi voćni sokovi, pivo, tekila i meskal.

### 7. BEZBJEDNOST

Meksiko spada u zemlje srednjeg rizika. Preporučuje se da se u Meksiko Sijtu ne krećete u određenim zonama grada, van plana i programa puta kao i u nekim dijelovima države Chiapas, Oaxaca kao i graničnim područjima sa Gvatemalom. Karipska regija je bezbjedna i sigurna zona.

### 8. ODJEĆA

Bez obzira u kom periodu putujete u Meksiko, savjetuje se slojevito oblačenje sa akcentom na ljetnoj odjeći i udobna obuća za šetnje.

### 9. NOVAC

Meksički pezos, 1 €=18 pezosa, 1\$=17 pezosa

### 10. STRUJA

Struja je 110 V, potrebno je koristiti adapter sa 2 tanka, pljosnata ulaza (kao za američku teritoriju).

### 11. SUVENIRI

Tekila, različiti komadi odjeće, obuće i nakita sa meksičkim motivima, tečna vanila, sombrero :)

#### Važne napomene

##### Opšte napomene:

- Organizator putovanja je JUNGLE TRAVEL sa licencom OTP 266/2010.
- Prilikom prijave potrebno je dostaviti kopiju pasoša/podatke pasoša sa kojim će putnik putovati na samo putovanje. Obavezno je da putnik proveri trajanje i ispravnost putnog dokumenta, kao i broj slobodnih stranica potrebnih za putovanje.
- Svi pasoši moraju imati rok važenja minimum 180 dana (6 mjeseci) od dana povratka u zemlju.
- Organizator putovanja zadržava pravo promjena pojedinih sadržaja u programu usljed vanrednih okolnosti i stvari koje agencija ne može predvidjeti, u vrijeme zaključenja ugovora.
- Organizator putovanja nije ovlašten i ne cijeni valjanost putnih i drugih isprava.
- Za sve informacije date usmenim putem agencija ne snosi odgovornost.
- Potpisnik Ugovora o putovanju ili predstavnik grupe putnika obavezan je da sve putnike upozna sa ugovorenim programom putovanja, uslovima plaćanja i viziranja i OPŠTIM USLOVIMA PUTOVANJA JUNGLE TRAVEL-a.
- Putnici su dužni da dva dana pred put provjere tačno vrijeme i mjesto polaska grupe.
- Putnik je dužan da se sam upozna sa pravilima ponašanja zemlje u koju putuje i da poštuje važeće zakonske carinske propise.
- U prevoznim sredstvima je najstrožije zabranjeno pušenje, konzumiranje alkohola i opojnih sredstava.
- Putnici su dužni da, u autobusu i drugim prevoznim sredstvima kojima se vrši transfer, ostanu na svojim mjestima, i ne smiju ih napuštati na mjestima koja nisu predviđena za pauze (granice, check point stanice, naplatne rampe itd). U slučaju da putnik napusti vozilo bez prethodnog dogovora sa predstavnikom agencije, sam snosi sve eventualne troškove i posljedice.
- Putnik koji svojim neadekvatnim ponašanjem uznemirava druge putnike ili ometa vozače i pratioca u poslu, bit će odmah isključen sa putovanja i sva odgovornost prelazi

na njega bez prava na žalbu i povrat novca.

- Putnik je dužan da poštuje satnicu određenu od strane predstavnika agencije na putovanju, u suprotnom predstavnik agencije ima pravo da putnika isključi sa putovanja.
- U turističkim autobusima nije moguća upotreba toaleta; u skladu sa planom i programom puta pauze se prave na 3-4 sata (u zavisnosti od lokacije i opremljenosti benzinske stanice) koje putnici mogu iskoristiti za upotrebu toaleta.
- Agencija određuje raspored sjedenja, mjesto polaska, mjesta za pauzu i dužinu iste; uplatom prevoza, putnik prihvata sve gore navedeno, bez prava na prigovor i žalbu.
- Aranžman je rađen na bazi od minimum 10 putnika za daleka putovanja i 50 putnika za evropska putovanja.
- U slučaju nedovoljnog broja putnika za realizaciju aranžmana ili drugih objektivnih okolnosti, organizator putovanja obavještava putnike o otkazu aranžmana najkasnije 10 dana prije datuma polaska za daleka putovanja i 5 dana prije datuma polaska za evropska putovanja.
- Kod aranžmana koji uključuju prevoz avionom, nakon kupovine aviokarata nemoguće je refundiranje istih i u tom slučaju važe uslovi avio kompanija.
- Kod aranžmana koji uključuju prevoz low cost avio kompanija, u slučaju odlaganja leta, otkaza ili gubitka konekcije putnici su dužni da sami plate novonastale troškove i agencija ne može da utiče na okolnosti koje su van njenog dometa.
- Cijene low cost aranžmana podložne su promjenama i po uplati avansa se provjeravaju tarife i putniku se potvrđuje cijena aranžmana.
- Agencija ne snosi odgovornost usljed promjena aviokonekcija od strane aviokompanije.
- Satnice letova navedene u planu i programu ili dobijene od strane agencije podložne su promjeni i isključivo zavise od aviokompanije.
- Agencija zadržava pravo odabira prevoznog sredstva za transfere i vrši ih do smještaja ukoliko je to fizički moguće.
- Za sve ponuđene ili dostupne opcione doplata u vezi sa planom i programom puta ili smještajem, potrebno je izjasniti se prilikom prijave za putovanje.
- Ukoliko neki putnik sam odluči da promijeni dio plana i programa puta, agencija nema odgovornost da tom putniku obezbijedi transfer/raniji ili kasniji check in ili check out u smještaj/drugačija noćenja u smještajima, od onoga što je predviđeno planom i programom puta.
- Maloljetni putnici prilikom putovanja moraju imati ovjerenu saglasnost roditelja.
- Zbog poštovanja satnica predviđenih programom putovanja, kao i poštovanja vremena ostalih putnika iz grupe, ne postoji mogućnost zadržavanja na granici koja predstavlja izlazak iz Evropske Unije, radi ovjere računa i povrata poreza iz Evropske Unije (TAX FREE)
- Naša preporuka je da povedete računa na Vašem putovanju o ličnim dokumentima i novcu.
- Za ovaj aranžman primjenjuju se OPŠTI USLOVI PUTOVANJA uskladeni sa UTABIH standardom.

#### Napomene u vezi sa smještajem:

- Organizator putovanja, JUNGLE TRAVEL, zadržava pravo rasporeda po sobama, u skladu sa strukturom soba smještajnog objekta; ukoliko postoji mogućnost, agencija se trudi da izađe u susret željama putnika (molimo Vas za razumijevanje, budući da je ovo putovanje zamišljeno kao dobra zabava i avantura).
- U smještajne objekte se ulazi prvog dana boravka u skladu sa pravilima tog smještajnog objekta. Najčešće je check-in u popodnevним satima (14h ili 15h), a check-out je posljednjeg dana boravka najčešće do 10h ili 11h.
- Opisi smještajnih objekata su informativnog karaktera.
- Neki od dopunskih sadržaja smještajnih objekata su dostupni uz doplatu. Postoji mogućnost odstupanja i promjena oko dostupnosti nekih sadržaja, jer isključivo zavise od smještajnih objekata (npr. sef, parking, mini-bar, TV, klima uređaj...)
- Putnik je dužan da poštuje pravila smještajnog objekta i sam snosi odgovornost usljed sankcionisanja od strane osoblja smještajnog objekta.
- U nekim smještajima Azije, Afrike i Latinske Amerike nema vruće vode.
- Smještajni kapaciteti vrše smještaj putnika i određuju raspored i tip soba prema svojoj raspoloživosti u datom trenutku. Agencija nije u mogućnosti da klijentima potvrdi da li će kreveti biti twin (razdvojeni) ili double (veliki francuski ležaj), kao ni spratnost u samom smještaju, osim ukoliko to nije posebno naznačeno Ugovorom. Klijent je uplatom aranžmana saglasan sa tom činjenicom i uslovima smještaja bez prava na žalbu.
- Putnici koji putuju sami u nekim programima imaju mogućnost da uz doplatu budu sami u jednokrevetnoj sobi. Ukoliko putnik želi da se spoji sa nekim drugim putnikom iz grupe i ne želi da plaća doplatu, prihvata da se spoji sa bilo kojom osobom iz grupe, bez obzira na godine i pol saputnika. U tim situacijama, agencija apsolutno ne odgovara za bilo kakve eventualne neprijatnosti ili neslaganja koje putnici mogu da imaju na putu.

#### Napomene u vezi sa fakultativnim izletima:

- Fakultativni izleti nisu obavezni dio putovanja.
- Termini i cijene fakultativnih izleta su promjenljivi i zavise od slobodnih termina po lokalitetima, broja prijavljenih putnika i objektivnih okolnosti.
- Fakultativni izleti se realizuju od strane lokalnih agencija i Jungle Travel nije u mogućnosti da utiče na stvari Van dometa agencije vezane za samu realizaciju izleta.
- Fakultativne izlete vode lokalni vodiči na samim lokalitetima na engleskom jeziku. Uplatom izleta putnik prihvata sve uslove lokalne agencije bez prava na žalbu.
- Agencija ne može uticati na dužinu trajanja putovanja do lokaliteta, vremena polaska, povratka ili obilazaka kao ni stručnost lokalnih vodiča.
- Prilikom uplate fakultativnog izleta, putnik prihvata uslove lokalne agencije, organizatora fakultativnog izleta, i dužan je da o uslovima obavijesti saputnike za koje uplaćuje izlet. Bilo kakve naknadne izmjene, promjene i odustajanja od izleta nakon uplate, nisu moguća, niti je moguće u bilo kojim okolnostima refundirati uplaćeni novac.
- Molimo sve putnike da se prije uplate fakultativnog izleta upoznaju sa predviđenim itinerarom i uslovima fakultativnog izleta.

#### Napomene u vezi sa vizama:

- Putnici su u obavezi da se upoznaju sa viznim režimom države u koju putuju.
- Pojedine ambasade zahtjevaju lično prisustvo putnika prilikom viziranja i putnici su dužni da pravila ambasade ispoštuju.
- Putnici su dužni da dokumenta za viziranje dostave najkasnije mjesec dana prije putovanja, a ukoliko ih ne dostave u navedenom roku, dužni su da sami obezbijede vize za putovanje.
- Putnici koji ne posjeduju nove biometrijske pasoše BiH dužni su da se sami upoznaju sa viznim režimom države u koju putuju i da sami obezbijede vize za putovanje.
- Agencija ne garantuje dobijanje vize i nije ovlaštena da utvrđuje validnost dokumenata.
- U slučaju nedobijanja vize agencija ne snosi odgovornost.